

Farfantello

Li Mirage



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

IÉLIFÈR

Toun noum... l'ai escrincela
sus li mountiho di Santo;
mai lou vènt l'a barrula
jusu'is erso blanquejanto.

L'ai bouta sus lou davans
de la pichoto cabano;
mai la pluejo en davalant
escafè la marco vano...

L'escriguère sus l'estang
'mé de floureto pourpalo;
mai un biòu negre en passant
faguè courre li petalo.

Un vèspre, l'as clavela
sus mi bouco fernissènto;
mai lou crid s'es envoula
jusu'is estello lusènto...

Pièi d'amount a davala
sus li pàli flour sauvajo,
car soun, lis astre d'eilà
fraire dis ièli de plajo...

Vaqui perquè dins li vers
que moun amourouso largo,
per iéu saras "Iélifèr"
blanco flour de la camargo...